

Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
SARAJEVO

Broj: 01- 34-1- 9855

Datum: 02-07-2015

Na osnovu člana 61.b. Zakona o unutrašnjim poslovima Kantona Sarajevo („Službene novine Kantona Sarajevo“, broj: 22/00 – Prečišćeni tekst, 15/02, 18/02 i 28/02), člana 4., 5. i 6. Uredbe o Uredu za pritužbe javnosti u Ministarstvu unutrašnjih poslova Kantona Sarajevo („Službene novine Kantona Sarajevo“, broj: 13/05), Ministarstvo unutrašnjih poslova,

PONIŠTAVA JAVNI KONKURS

Za imenovanje:

- 1. Predsjedavajućeg Ureda za pritužbe javnosti u MUP-u Kantona Sarajevo**
- 2. Člana Ureda za pritužbe javnosti u MUP-u Kantona Sarajevo, broj članova: 4**

objavljen u novinama „Dnevni Avaz“, dana 30.04.2015. godine, iz razloga što se na Javni konkurs nije prijavio dovoljan broj kandidata i raspisuje

PONOVI JAVNI KONKURS

Za imenovanje, na period od dvije godine:

- 1. Predsjedavajućeg ureda za pritužbe javnosti u Ministarstvu unutrašnjih poslova Kantona Sarajevo;**
- 2. Člana Ureda za pritužbe javnosti u Ministarstvu unutrašnjih poslova Kantona Sarajevo, broj članova 4.**

Predsjedavajući i članovi Ureda trebaju biti ugledne osobe sa visokom stručnom spremom.

Kvalifikacioni kriteriji

Odabir kandidata za navedene pozicije vršit će se primjenom sljedećih kriterija:

1. predsjedavajući treba da ima najmanje deset godina radnog iskustva na pravnim poslovima, od čega najmanje pet godina na rukovodnim radnim mjestima u organima uprave (poželjno je da kandidat za predsjedavajućeg posjeduje sudijsko ili tužilačko radno iskustvo);
2. moraju biti državljani BiH;
3. predsjedavajući i članovi Ureda izuzev predstavnika Ministarstva ne mogu biti državni službenici;
4. ne mogu biti članovi bilo koje političke stranke;
5. ne mogu imati kriminalni dosje ili biti krivično osuđivani, uključujući i brisane presude;
6. članovi trebaju biti iz pravne, društvene ili tehničke struke sa najmanje sedam godina radnog iskustva u svojim djelatnostima;
7. član ureda iz Ministarstva treba da ima najmanje sedam godina radnog iskustva u organima unutrašnjih poslova i da nije disciplinski kažnjavan, uključujući i brisane disciplinske kazne.

Mandat članova ureda

Mandat predsjedavajućeg i članova Ureda traje dvije godine, s tim da niko od imenovanih neće imati više od dva mandata.

Imenovane osobe nisu u radnom odnosu sa Ministarstvom, izuzev predstavnika Ministarstva.

Predsjedavajućem i članovima Ureda pripada novčana naknada u iznosu koji utvrdi Vlada Kantona Sarajevo.

Prilikom odabira kandidata vodit će se računa o obavezi da najmanje jedan od članova Ureda bude žena, zatim jedan predstavnik Ministarstva i jedan predstavnik iz reda konstitutivnih naroda koji nije većinski u Kantonu.

Nadležnosti Ureda za pritužbe javnosti

1. praćenje i prosljeđivanje svih žalbi Jedinici za profesionalne standarde (u daljem tekstu: JPS), dostavljenih Ministarstvu protiv uposlenika Ministarstva;
2. praćenje realizacije istraga JPS;
3. naređenje za ponovnu istragu u slučaju gdje Ured nije zadovoljan sa istragom JPS;
4. nadgledanje izvještaja slučajeva podnesenih od strane JPS gdje postoje osnovi sumnje da se radi o krivičnom djelu i slučaj treba proslijediti nadležnom tužilaštvu;
5. nadgledanje postupka u kojem odgovarajući predstavnik obavijesti podnosioca žalbe da je žalba neosnovana i da se protiv uposlenika neće pokretati istraga jer je postupio u skladu sa zakonom i propisanim procedurama, a kako bi se onemogućilo vršenje pritiska od strane rukovodnih uposlenika na podnosioca žalbe;
6. primanje izvještaja od sudova o uposlenicima Ministarstva protiv kojih se vodi krivični postupak ili istraga i njihovo prosljeđivanje odgovarajućem predstavniku i JPS;
7. nadgledanje izrečene kazne od strane nadležnih disciplinskih tijela i njeno provođenje, kako bi se osigurala pravičnost i dosljednost;
8. nadgledanje dali JPS obavještava podnosioca žalbe o ishodu istrage u pismenoj formi, što je prije moguće;
9. preduzimanje zakonskih mjera protiv podnosioca žalbe u slučaju neistinite i tendenciozne žalbe;
10. iniciranje disciplinskih mjera protiv istražitelja iz JPS ili šefa Odsjeka u JPS zbog namjerne zloupotrebe ili zapostavljanja istrage;
11. osiguravanje neovisnosti u radu JPS u slučaju bilo kakvog premještaja istražitelja iz JPS potrebno je konsultovati Ured;
12. pokretanje mjera odgovornosti protiv bilo kojeg uposlenika Ministarstva koji bude odlagao, opstruirao ili prikrivao informacije vezane za disciplinski prekršaj;
13. pripremanje i slanje Skupštini Kantona tromjesečnih i godišnjih izvještaja preko Komisije Skupštine Kantona o pitanju općeg funkcionisanja Ureda, uključujući bilo koje pitanje koje zaslužuje pažnju Vlade, zbog težine ili drugih posebnih okolnosti.

Dokazi o ispunjavanju kvalifikacionih kriterija

Kandidati za sve gore navedene pozicije su dužni uz prijavu dostaviti dokaze o ispunjavanju kvalifikacionih kriterija u originalu ili ovjerenj fotografiji i to:

- uvjerenje o državljanstvu BiH (ne starije od šest mjeseci),
- diploma o visokoj stručnoj spremi iz pravne, društvene ili tehničke struke (nostrificirana diploma, ukoliko fakultet nije završen u BiH ili je diploma stečena u nekoj od država nastaloj raspadom SFRJ nakon 06.04.1992. godine),
- uvjerenje ili ovjerenja izjava data u nadležnom organu da nisu u statusu državnih službenika, izuzev kandidata-predstavnika Ministarstva unutrašnjih poslova Kantona Sarajevo,

- uvjerenje/potvrda o radnom iskustvu (najmanje sedam godina radnog iskustva u svojim djelatnostima),
- ovjerenu izjavu da kandidat nije obuhvaćen odredbom člana IX 1. Ustava Bosne i Hercegovine,
- ovjerenu izjavu datu kod nadležnog organa, kojom kandidati potvrđuju da nisu članovi bilo koje političke stranke.

Pored gore navedene dokumentacije kandidati za Predsjedavajućeg su dužni uz prijavu dostaviti u originalu ili ovjerenoj fotokopiji i:

- uvjerenje o radnom iskustvu u trajanju od najmanje deset godina na pravnim poslovima, od čega najmanje pet godina na rukovodnim radnim mjestima u organima uprave (poželjno je da kandidat za predsjedavajućeg posjeduje sudijsko ili tužilačko radno iskustvo).

Pored gore navedene dokumentacije, Kandidati-predstavnici Ministarstva unutrašnjih poslova Kantona Sarajevo su dužni uz prijavu dostaviti u originalu ili ovjerenoj fotokopiji i:

- uvjerenje o radnom iskustvu u trajanju od najmanje sedam godina u organima unutrašnjih poslova,
- uvjerenje da nije disciplinski kažnjavao, uključujući i brisane disciplinske kazne.

Uvjerenje da protiv kandidata nije potvrđena optužnica kod Općinskog suda u Sarajevu i Kantonalnog suda u Sarajevu i uvjerenje o nekažnjavanju pribavit će ovo Ministarstvo po službenoj dužnosti, te ista kandidati ne moraju dostavljati. Izuzetno kandidati za koje nije moguće pribaviti uvjerenja će biti posebno kontaktirani u cilju pribavljanja istog.

Prijave sa kraćom biografijom, naznačenim dosadašnjim radnim iskustvom, te dokazima o ispunjavanju kriterija Konkursa podnose se neposredno Ministarstvu unutrašnjih poslova Kantona Sarajevo, putem Pisarnice Ministarstva u ul. La Benevolencije br. 16. ili putem pošte, sa naznakom „Za Javni konkurs-Ured za pritužbe javnosti“.

Rok za podnošenje prijava na Konkurs je 15 dana od dana objavljivanja.

Nepotpune, neuredne i neblagovremene prijave neće se uzimati u razmatranje.

Kandidatima koji ne budu izabrani, dokumentacija se neće vraćati osim na lični zahtjev kandidata.



MINISTAR

Predrag Kurteš